

बानै खेवो ईशू  
बाऊँ परेम करै ह

परमेश्वर का परेम को  
प्रकाशन न खुद ताँई लेल्यो

जाँयस मेयर

# 1 NEW YORK TIMES BESTSELLING AUTHOR

बानै खेवो ईशू  
बाँँ परेम करै ह  
ॐ



बानै खेवो ईशू  
बाँउँ परेम करै ह

परमेशबर का परेम को  
प्रकाशन न खुद ताँई लेल्यो।

जाँयस मेयर



JOYCE MEYER  
MINISTRIES®

Nanakramguda, Hyderabad - 500 008

Unless otherwise indicated, all Scripture quotations are taken from The Amplified® Bible (AMP). Copyright © 1954, 1962, 1965, 1987 by The Lockman Foundation. Used by permission.

Scriptures marked NKJV are taken from the New King James Version. Copyright © 1979, 1980, 1982 by Thomas Nelson, Inc.

Scriptures marked KJV are taken from the King James Version of the Bible.

Copyright © 2013 by Joyce Meyer Ministries - Asia  
All rights reserved. No part of this publication may be reproduced, distributed, or transmitted in any form or by any means, or stored in a database or retrieval system, without the prior written permission of Joyce Meyer Ministries - Asia.

Joyce Meyer Ministries - Asia  
Nanakramguda,  
Hyderabad - 500 008  
Phone: +91-40-2300 6777  
Website: [www.jmmindia.org](http://www.jmmindia.org)

Tell Them I Love Them - Shekawati  
*Receiving a Revelation of God's Love for You*

*Printed at:*  
Caxton Offset Pvt. Ltd.  
Hyderabad - 500 004

# विषय-सूची



|                                     |     |
|-------------------------------------|-----|
| भूमिका                              | vii |
| 1. परमेश्वर थारऊँ परेम करै ह।       | 1   |
| 2. म इकै जोगो हूँ के?               | 7   |
| 3. परेम को मतबल रिस्तो राखबो होवै ह | 15  |
| 4. परेम, भरोसो अर विश्वास           | 21  |
| 5. भेऊँ छुटकारो                     | 27  |
| 6. परेम को दायरो बढतो जावै ह।       | 32  |
| 7. परमेश्वर को परेम थानै बदळ देसी   | 39  |
| नयो जीवन को एसास करो।               | 44  |



# भूमिका



मेरा बिचार ऊँ मिनखा न खुद ताँई परमेश्वर का परेम की बोळी जरूत ह। अर मेरो ओ बी बिचार ह क एक चोखो जीवन जिबा ताँई प्रकाशन की बोळी जरूत ह। आपां न परमेश्वर का परेम क बारा म बोद्धिक ज्ञान की जरूत कोनी पण प्रकाशन की जरूत ह। अर ज बिश्वासी मिनखा अरदास करसी, बचन प ध्यान देसी अर खुद का जीवन म परमेश्वर का परेम क बारा म जाणसी अर अय्याँ कर'र बाका प्रकाशन न हेरबा की कोशिश करसी जणाई पबितर आत्मा बानै ओ प्रकाशन देसी।

परमेश्वर इ जगत ऊँ परेम करै ह। इ ताँई बे ईशू न इ जगत म बलिदान होबा ताँई भेज दिन्यो अर इकै बारा म जाणबो अर इनै मानबो बोळो आसान ह। अर ज थे इ धरती प एक ही मिनखा होता जणा बी परमेश्वर थारा ताँई खुद का परेम न दिखाबा ताँई ईशू न मरबा भेजतो के ओ बिश्वास करबो बोळो दोरो ह।

कई बरसा ताँई मसी जीवन जिबा क पाछै मनै परमेश्वर को परेम समझ म आयो। अर परमेश्वर की दया ऊँ पबितर आत्मा की बजै ऊँ मनै ओ प्रकाशन मिल्यो क बे मेर ऊँ परेम करै। इ प्रकाशन ऊँ मेरो सगळो जीवन अर मेरो चालचलण बी बदळगो।

मेरो बिश्वास ह क जद थे इ किताब न बाचस्यो जणा थानै परमेश्वर का परेम क बारा म नयो एसास अर नयी समझ मिलसी। अर मेरो ओ बी



बिश्वास ह क इको प्रकाशन पाबा ताँई थारै मायिनै खुद ई भूख लगासी। मेरी थारऊँ अरदास ह क थे इ किताब न होळया होळया बाचो, इनै थे पाठ की जय्याँ बाचो अर पबितर शास्त्र का बचना अर बिचार जो थे आगै बाचवाळा हो बापै गोर धरज्यो।

म जाणू हूँ क म परमेश्वरऊँ न्यारी होर क्यूँ बी कोनी हूँ, मनै परमेश्वर का बचनाऊँ अर प्रकाशनऊँ जो क्यूँ समझ मिली ह, परमेश्वर की दयाऊँ इ किताब का रूप म छोटी होर थानै भेट करूँ हूँ।

बानै खेवो ईशू  
बाँँ परेम करै ह  
ॐ



# 1



## परमेश्वर थारऊँ परेम करै ह!

“परमेश्वर ई जगतऊँ अय्याँ को परेम कर्यो, अर ई परेम क चलतै ई बो आपको एकलोतो बेटो दे दिन्यो जिऊँ जखो बी बिपै बिश्वास करै बो नास कोनी होसी पण जुग-जुग को जिवन पासी।”

- यहून्ना 3:16

परमेश्वर एक परिवार चावै ह, इ ताँई बो आपां न आपकी ओलाद बणाई ह। अर बे आ कोनी चावै क आपां छोटो टाबरा की जय्याँ बरताव करा, पण बे आ चावै ह क आपां बाकी ओलाद की जय्याँ बाकै सागै बरताव करा। बे चावै ह क आपां बापै निरबर रेवा: अर बाको सारो लेवा:, बाऊँ परेम करा अर बे बी म्हारऊँ परेम करै। बे चावै ह क आपां बापै भरोसो राखा। अर जरूत की टेम बाकै कनै जावा। परमेश्वर थारै सागै रिस्तो राखबो चावै ह।

आपां मऊँ बोळा मिनख यहून्ना 3:16 म मांडेड़ा बचन न इ रूप म लेवै ह क, अर खेवै ह “ओ म जाणू हूँ क ईशू इ जगत ताँई बिलदान होयो ह पण आपां सादारण मिनख की भीड़ कोनी हा, जि ताँई ईशू आपकी ज्यान दिन्यी ह। पण ईशू सगळा मिनखा ताँई ज्यान दिन्यी ह अर बे थारै ताँई बी ज्यान दिन्यी ह।”

ज थे इ धरती प एकला बी होता जणा बी बे थारै ताँई आपकी ज्यान देता। अर थारा अकेला ताँई बे सगळी पिडा भोग लेता। बे थारै ताँई ज्यान दिन्यी! परमेश्वर थारऊँ बोळो परेम करै ह, अर बे थारऊँ जुग-जुग ताँई परेम करता रेसी।

एक बार म कार चलारी ही जणा परमेश्वर मेरा हिया म बात करी, अर खयो “जाँयस, तू मेरी आँख की पुतळी ह” अर मनै ओ बेरो कोनी हो क ओ बचन पबितर शास्त्र म मंडेड़ो ह। शैतान मेरऊँ खेबा लाग्यो अय्याँ खेवो घुमान करबो कोनी ह के? तनै काँई लागै ह, तू कुण ह? जणा म सोचबा लागी, अर बोली मनै अय्याँ नइ सोचणो चाये ओ मेरो सोच बिचारऊँ परै ह क खुद न बडो मिनख समझै, अर आपां न बरदान मिल्यो ह अर आपां दूसरा मिनखाऊँ न्यारा इ हा। आपणा म हर एक मिनख एक दूसरा मिनखऊँ न्यारो ह अर परमेश्वर आपां न अय्याँई बणाओ ह।

जद म इ विषय क बारा म सोचरी ही जणा परमेश्वर मनै मेरा हिया म एक लुगार्ड की फोटो दिखाई बा बजार क मायिनै सेव का कुढा क सामै खड़ी ही। बा लुगार्ड च्यारूमेर देखबा क पाछै एक सेव लेली जो सऊँ चोखी

सेव ही अर बा बि सेव न मोल लेबा लागी। जणा परमेश्वर मेरऊँ खेबा लाग्यो क म परमेश्वर ताँई सऊँ चोखी सेव ही। म बा ताँई खास ही। सूणबा म शायद ओ चोखो कोनी लागै, पण परमेश्वर आपां सगळा न अय्याँई खेबै ह, इ को मतबल ओ कोनी ह क परमेश्वर आपां न चोखो अर दूसरा मिनखा न खराब बतार्यो ह। पण बे खेर्या ह क आपां खास मिनख हा अर आ बात परमेश्वर का बचन म मांडेड़ी ह अर बचन सगळा ताँई ह। थे सगळा परमेश्वर की आँख की पुतळी हो।

परमेश्वर मेरऊँ काँई खेर्या हा, म बाकी बात कोनी मानी। अर म मेरा बारा म चोखी बाता सोचबा ताँई खुद न दोषी बताबा लागी। पण दो दिना क पाछै म बाईबल म भजन 17:8 म बाच्यी जणा मनै लाग्यो क ओ बचन मेरऊँ बोल्यो ह: “तेरी आँख की पुतळी की जय्याँ बचासी; तेरै पंखा क तळै मनै लुखाल्ये, जणा म खेबा लागी ओ बे तो सचमुच म परमेश्वर हा जो जनाडै मेर ऊँ बाता करा हा। म परमेश्वर की आँख की पुतळी हूँ” अर म जति देर ताँई इ विषय म बिचार करती री म उति ई देर ताँई खुद न खास मिनख क रूप देखबा लागी।

मिनखा क हिया म भूख-प्यास अर लालसा होवै ह क बाऊँ कोई परेम करै। परमेश्वर आपां न अय्याँई बणायो ह। बोळा मिनख आ जाणै ह क परमेश्वर इ जगत ऊँ परेम करै ह, बे ईशूऊँ बी परेम करै ह पण परमेश्वर बाऊँ बी परेम करै ह इ बात न मानबो बानै दोरो लागै ह। पण परमेश्वर को बचन सिखावै ह क परमेश्वर बाऊँ बतोई परेम करै ह जतो बे ईशूऊँ परेम करै ह। बे थारऊँ बी बतोई परेम करै ह जतो बे ईशू ऊँ करै ह। आओ ल्यो आपां बचन यहून्ना 5:20 बाचां।

“बाँप बेटाऊँ परेम करै ह अर बिनै बो सकयुँ दिखावै ह जो बो करै हा अर बो बिनै इसै बी बडा-बडा काम दिखासी जिकै बारा म थे सोच बी कोनी सको।” उरै परमेश्वर खेवै ह, “म ईशू की बजैऊँ बडा-बडा काम करूँ हूँ अर आऊँ बी बडा काम करस्युँ जिऊँ थे ताजूब करस्यो (लेखक को मत) थे जाणो हो क कोई बात ताँई ताजूब करबो चोखो ह के, पण परमेश्वर का कामा प ताजूब करबो चोखो ह?”

आपां आ बचना न बाचा तो हा पण कइवार बा बाता प ध्यान कोनी देवा जो परमेश्वर चावै ह क आपां करा। अर बे चावै ह क आपां बा बडा-बडा कामा न देखा जो बे ईशू क जरिये कर्या ही अर आपां ताजूब कर'र खेवा हा, क बे मसी क जरिये बडा-बडा काम कर्या ही अर बे चावै ह क आपां बाईबल म यहून्ना 14:12 म मंडेडा बचन प ध्यान देवा बठै ईशू खयो ह, क जखो बी मिनख मेर प विश्वास करै ह बो बे काम करसी जो म करूँ हूँ, अर बो आऊँ बी बडा बडा काम करसी। क्यूँ क म बाप क कनै जार्युँ हूँ।

परमेश्वर बय्याँ का काम अर बाऊँ बी बडा? बडा काम थारै जरिये करासी, जो बे ईशू क जरिये कर्या हा क्यूँ क ईशू आपका बाप क कनै चलेगो ह। थे इ बात प विश्वास करो हो के? अर थे सचमुच ओ विश्वास करो हो के परमेश्वर थारऊँ परेम करै ह। अर बो थानै काम म लेसी?

एक दिन म बचन पाठ कर री ही, जणा परमेश्वर मेरऊँ बात करी, अर बे खया जाँयस म मिनखा ताँई रोजिना कतो काम करूँ हूँ क्यूँ क म बाऊँ परेम करूँ हूँ पण बे इनै कोनी समझे बे इकै बारा म न तो समझे अर नाहि म पिछ्ठाणै ह। म तनै एक उदारण देऊँ हूँ म रोजिना सूरजऊँ खेऊँ हूँ उग जणा

म आई बात जाँयस ताँई, बेट्टी ताँई, जैमी ताँई अर थारै ताँई (थे अठै थारो नाम मांडल्यो) खेऊँ हूँ।

चिनेक रूको अर सोचो। सूरज रोजिना उगै ह अर आकास म थारै ताँई चमकै ह। पण आपां तो माना हा क बिनै तो उगणो ई ह। आपां ओ जाणा हा क सुरज रोजिना उगै ह। अर ओ थारै ताँई ई उगै ह। अर जद मौसम गेल मि बरसै ह बा थारै ताँई बरसै ह, अर जद बरफ पडै ह बा बी थारै ताँई पडै ह। परमेश्वर थारऊँ कतो परेम करै ह।

व्यवस्थाविवरण 7:9 म,

“मांडर्यो ह इ ताँई तू जाणल्ये क थारो प्रबु परमेश्वर ई थारो परमेश्वर ह बे बिश्वास जोगा ईश्वर ह अर जखा बि बाऊँ परेम करै ह अर बाका हुक्मा न मानै ह बाकै सागै बो जार पीढी ताँई करार करै ह अर बापै दया करतो रेवै ह।”

थानै ओ कोनी लागै क एक जार पीढी ताँई परमेश्वर को करार ई बजैऊँ ह क थे बिका परेम न पाल्यो। क्यूँ क बे जुग-जुग का परमेश्वर ह अर थे बिनै थका कोनी सको। आपां मऊँ कई मिनख सोचै ह क बे गळतिया कर करके अर बुरा कामाऊँ परमेश्वर न थका दिन्यो। पण थे अय्याँ कोनी कर सको। क्यूँ क परेम कदैई थकै कोनी अय्याँई परमेश्वर थारऊँ परेम करतो कदै थकै कोनी। परेम करबो परमेश्वर ताँई कोई काम कोनी पण बे खुद ई परेम ह।

ज इ धरती प पेल्या अय्याँ का मीनख हा या ज होसी जो बुरा अर पापी मिनख ईशू का मूंडा प थूकै अर बाऊँ खेवै क मनै थारऊँ काँई लेण देण मनै



नरक जाबा म मजो आवै ह परमेश्वर बाऊँ बी परेम करै ह। जणा थेई बतावो परमेश्वर बाऊँ जिनै बे टाळया ही परेम कोनी करसी?

थे बोलता होगा क म तो ईशू न मान हूँ/ अर बाऊँ परेम करूँ हूँ। पण म थारऊँ बुझणो चाऊँ हूँ क परमेश्वर थारऊँ परेम करै ह थे इ बात प कतो विश्वास करो हो?

थारै ताँई ओ सिधो अर साफ संदेशो ह: परमेश्वर थारऊँ परेम करै ह, पण ओ बो आधार ह बा सगळी बाता ताँई जिनै परमेश्वर चावै ह क थे समझो। थे परमेश्वर की बाता न कति बी सीखल्यो अर बाको पाठ करल्यो अर चाये कतिई मेहनत करल्यो पण जद ताँई थे आ न जाणल्यो क परमेश्वर थारऊँ परेम करै ह जणा थे आगै कोनी बढ सको। परमेश्वर को परेम थारा विश्वास, अर पापऊँ आज्ञादी अर भे न दूर करबा ताँई अर दूसरा मिनखा की सेवा करबा ताँई आगै कदम बढाबा ताँई नीव को भाट्टो ह। थे परमेश्वर का परेम न अपनास्यो के?

## 2



### म इकै जोगो हूँ के?

“अर आसऊँ सरम कोनी आवै, क्यूँ क पबितर आत्मा आपां न दियो गयो ह बिक्कै जरिये परमेश्वर को परेम आपणा हिया म दियो गयो ह। क्यूँ क जद आपां कजोर ई हा (खुद की मददत कोनी कर सका हा) जणा मसी ठीक टेम प भक्तिहिन मिनखा ताँई मर्यो। कोई धर्मी मिनखा ताँई मरै ओ तो चोखो ह, अर काँई बेरो कोई भला मिनख ताँई बी मरबा को हियाब करल्ये। पण परमेश्वर आपणा प खुद का परेम की भलाई न अय्याँ प्रकट करै ह क जद आपां पापी हा, जणा मसी आपणा ताँई मर्यो (मतलब मसी परमेश्वर को अभिषेक करेडो) जणई तो आपां बाका लोई की बजैऊँ धर्मी बण्या हा, (परमेश्वर क सागै आपणो सही रिस्तो होयो ह) ईकै पाछै बी आपां बाकी झाळ्या ऊँ बच सका हा

के? क्यूँ क आपां बाका बेरी हा जणा बाका बैटा की मौत की बजैऊँ आपणो मेलमिलाप परमेश्वर क सागै होगो अर मेलमिलाप होबा क पाछै बाका ओज्यू जीबा क जीवन की बजैऊँ छुटकारो (रोजिना का पाप ऊँ छुटकारो) क्यूँ कोनी पास्यौँ?”

- रोमियो 5: 5-10

आपणा मऊँ बोळा अय्याँ का मिनख ह बे जद ताँई कोई उळझळ म ना पड ज्यावै जणा ताँई विश्वास कोनी करै, क परमेश्वर बाऊँ परेम करै ह। अर बोळा मिनख खुद न चोखो कोनी बतावै इ ताँई बाको मानबो ह क बे परमेश्वर न लूबा कोनी सकै अर बे सोचै ह परमेश्वर बाऊँ परेम कोनी करै। पण बाइबल म मांडेडो ह क, मिनख काँई ह जिपै बे आपकी आँख्या लगावै अर याद करै (भजन 8:4) आपां परमेश्वर का रचेड़ा हा अर बे आपणाऊँ परेम करै ह क्यूँ क बे खुद परेम ह। (यहून्ना 4:16)

बे थारऊँ बी परेम करै ह अर थे बाकै ताँई खास मिनख हो इको मतबल ह क थे टाळेड़ा मिनख हो अर दूसरा मिनखाऊँ न्यारा हो। थानै मेरी जय्याँ को बणबा की जरूत कोनी ह अर नाहि मनै थारै जय्याँ की बणबा की जरूत ह। अर ज आपां एक दूसरा की जय्याँ बणबा की कोशिश करस्याँ तो आपणी दशा खराब हो ज्यावली। अर अय्याँ करबाऊँ थे शैतान न ओ खेबा को मोको देस्यो क थे इ जोगा कोनी हो! पण थानै परमेश्वर क सामै क्यूँ जोगो बणबा की बी जरूत कोनी ह।

ईशू इ ताँई बलिदान कोनी होयो क थे बडा अर म्हान मिनख हा, पण बे ताँई बलिदानहोया क्यूँ क बे थारऊँ परेम करै ह। बाइबल बतावै ह क जद

बाको परेम थारै ताँई मरबा न त्यार कर सकै ह जणा बिका लोई क बजैऊँ थानै धर्मी बणाणा क पाछै बे कतो बोळो परेम करसी? (रोमियो 5:8, 9) बे थारऊँ अतो परेम करै ह क थारी रोजिना की गलतियाँ न लूखा देवै ह। अर बे थारऊँ अतो परेम करै ह क बे थानै रोजिना दिन बिताबा ताँई शक्ति देवै ह।

एक दिन परमेश्वर मनै एक उदारण देर समझायो क बे आपणी गलतियाँ न कय्याँ देखै ह। एक तीन च्यार सालेक की छोटीसी छोरी ही, बा छोरी खुद की मा न रोजिना काम करता देखती ही। अर बा खुद की माऊँ अतो परेम करती ही क एक छोटीसी बाल्टी म पाणी ले'र सफाई करबाळो गाबल्यो लेर आळयो साफ करबा लागी। अर बा रगड़-रगड़'र सफाई करै ही बिकै पाछै कागद ऊँ आळयो पुछै पुछबा लागी।

अय्याँ करबा ऊँ आळयो ओर बी मेल्यो होज्यावै ह अर साबूण का दाग मंडज्यावै ह अर जद थे बि सफाई हाळ्या गाबल्या बि देखो हो जणा बो खराब होईडो दिखै ह अर थे सोचो हो क बि छोरी को गळो मोस द्यो पण बा थारै कनै आवै ह अर होळ्यासिक बोलै ह क मा मा म इ आळ्या न धो दिन्यी हूँ अर म थारै ताँई अति मेहनत करी हूँ कयूँ क म थार हूँ परेम करूँ हूँ, परेम करबाळी मा बिकै खेसी, हा तू बोळो चोखो काम करी ह अर मेरी मददत करबा ताँई बडिया बात करी ह। अय्याँ सूणर बा छोरी ओज्युँ काम करबा लागज्यासी अर बिकै पाछै बिकी मा बिनै सिखासी क अय्याँ ओज्युँ मना करज्ये।

परमेश्वर मनै बताओ क बे बी आपणा ताँई अय्याँई करै ह। आपां जो काम करा हा बे बा काम न सुधारै ह। अर ज थे कोई काम चोखी ढंगऊँ करबो जाणो हो तो परमेश्वर बी आ चावै ह क थे बिनै करो। अर परमेश्वर

थारऊँ बे काम कोनी कराबो चावै जो थे चोखी ढंगऊँ कोनी कर सको। अर ज थे आ खेबा ताँई राजि हो क थे सही हो, पण म गलत हूँ म कोशिश तो करी ही पण बदळ कोनी सक्यो, परमेश्वर थानै बदळ सकै ह। अर बे थानै पक्काईऊँ ई बदळसी क्यूँ क बानै बेरो ह बाकी मददत क बिना थे कोनी बदळ सको।

“क्यूँ क जिनै परमेश्वर भेज्यो ह, बो परमेश्वर की बाता खेवै ह, अर परमेश्वर बिनै आत्मा नाप नापर कोनी देवै ह (पण बिनै सिमा क भार परमेश्वर की आत्मा को दान दियो जावै ह) बाप बैटाऊँ परेम करै ह अर बे बिनै विश्वास क सागै सगळी बाता अर चिजा बाकै हाथा सोफ दिन्थी।”  
(यहून्ना 3:34, 35)

एक बार म पढरी ही, जणा म परमेश्वर का इ बचन न बाची क बे आत्मा नाप-नापर कोनी देवै जणा म राजी होर जोर ऊँ हेल्थो देबा लागी। बे आपां न कोई बी बात थोड़ी थोड़ी करके कोनी देवै।

पण बे खेवे ह “आओ अर जो क्यूँ बी मेरो ह बो लेल्यो” आज परमेश्वर की सगळी शक्ति अर परेम थारै ताँई ह। अर बे चावै ह क जो क्यूँ बि बाकै कनै ह बो सक्यूँ थे लेल्यो? क्यूँ क बे थारऊँ परेम करै ह। अर नाहि थानै बो सक्यूँ लेबा ताँई जोगो होबा की जरूत ह क्यूँ क थे जोगा बणबा ताँई बी क्युँई कोनी कर सको। अर थानै जोगो बणबा की बी जरूत कोनी ह। परमेश्वर थानै सक्यूँ देबो चावै ह। क्यूँ क बे थार ऊँ परेम करै ह।

व्यवस्थाविवरण 7:6, 7 म मंडर्यो ह क

क्युँ क थे पबितर परमेशबर की प्रजा हो परमेशबर इ धरती का सगळा मिनखाऊँ थानै टाळयो ह जिऊँ थे बिकी प्रजा अर निजधन ठहरो। परमेशबर थारऊँ परेम करके टाळयो ह इको मतबल ओ कोनी हो क थे गिणति अर सगळा देशा का मिनखाऊँ बोळा हा पण थे तो सगळा देशा का मिनखा की गिनति मबोळा कम हा।

परमेशबर इस्राएली मिनखा न आपकी प्रजा बणाबा ताँई अधिकार दिन्यो अर आज आपां कलिसिया मंडली क रूप आत्मिल इस्राएली हा। इ ताँई ओ बचन जय्याँ बाकै ताँई हो बय्याँई आपणा ताँई ह। परमेशबर खेवै ह क म थानै इ ताँई कोनी टाळयो क थे धरती म गिणति सऊँ बोळा हा अर आज इको आपणा ताँई मतलब ह क बे खेवै ह क थानै म इ ताँई कोनी टाळयो क थारा काम सही हा जिऊँ म थानै टाळ लिन्यो।

परमेशबर आगै खेवै ह क थे तो गिणति म सऊँ कम हा। अर ज थे मेरी झघां म होता तो सोचता क थे दूसरा मिनखाऊँ ज्यादा चोखा हा, जद थारो छुटकारो होयो ह। जणा बे पद 8 म परमेशबर खेवै ह, परमेशबर थानै आपका शक्तिशाली हाथऊँ गुलामी का घरऊँ अर मिस्र का राजा फिरौन क हाथाऊँ छूडा'र लेर आओ हूँ, अर इकी बजै ह क बे थारऊँ परेम करै ह। अर बे थारा बढकाऊँ सोगंध खाई ही बिनै बी पुरी करो चावै ह।

ओ टेम बाकी जैजेकार करबा को ह! परमेशबर खेवै ह “म थारऊँ परेम करूँ हूँ, अर म थारऊँ खेऊँ हूँ क थे पबितर हो, थे खास मिनख हो, म थानै इ ताँई कोनी टाल्यो क थे चोखा अर भला मिनख हा पण इ ताँई टाळयो हूँ क मनै थारऊँ परेम ह” अर थे जाणो हो क आज थारऊँ परमेशबर काँई चावै ह? बे चावै ह क थे बिका परेम न मान लेल्यो।

आपणा मऊँ बोळा मिनखा न आ दिकत ह क बे खुद न खुद ई चोखा कोनी लागै। अर आपां बो विश्वास कोनी करा हा क परमेशबर आपांऊँ परेम करै ह अर ना ओ विश्वास करा क कोई दूसरो आपांऊँ परेम करै ह। आपां सोचा हा क म क्युँई जोगो कोनी हूँ मेरऊँ कोई क्युँ परेम करसी। अर ज थे अय्याँ सोचता ई रेस्यो क थे बेकार अर बेसूरत हो जणा थे बय्याँई वण ज्यास्यो अर बय्याँई काम करबा लागस्यो। अर जो थारा हिया म थारै परति जो नजरियो ह बिऊँ आगै कोनी बढ सकोगा।

मेनै बी आई दिकत ही म खुद न पसन्द कोनीकरती ही अर म कम स कम पिचेतर प्रतिशत टेम खुद न बदळबा की कोशिश करती रिन्यी। अर मनै लागतो हो क म बोळी बोलू हूँ, जणा म चुपचाली रेबा की कोशिश करबा लागी अर जद म चुपचाली रेलि तो म सका म आ ज्याती अर हर मिनख आ जाणबा की कोशिश करतो रेलि तो क म क्युँ चुपचाली हूँ जणा म खेबा लागती क थेई तो खेवो हो क म बोळी बोलू हूँ, मनै एकली छोड द्यो क्युँ क म चुपचाली रेबा की कोशिश कर री हूँ।

म थानै बता बी कोनी सकूँ इ कोशिश म कता बरस बितगा जणा बी म मेरा मूंडा की बजैऊँ दिखत म पड ज्याती ही। बोळा मिनखा जो बोळा बोलै ह बाको ब्याह अय्याँ का क सागै होवै ह जो बोळा कम बोलै ह। अर बाकै चुप रेबाऊँ थानै लागै ह क थे बोळा बोलबा लाग्या हो। अर शैतान बी थानै बार बार याद करासी क थे बोळा बोलो हो अर इनै दोषी बतावो खेवै ह।

परमेशबर खेवै ह थार प दोष न लागै पण इकै ताँई विश्वास अर निडरता की जरूत ह। थे जाणो हो के चाये थे सरमसार हो ज्यावो जणा बी थारा दोषी होबा की भावनाऊँ एक बी गलत काम जखो थे कर्या हो बिको

दाम कोनी चुकायो जा सकै? ओ काम बोळो दोरो ह, अर ज थे कोई काम गळत कर दिन्यो हो जणा बी परमेश्वर थारऊँ परेम करै ह पण ओ विश्वास करबो बोळो दोरो ह।

शैतान थानै बार-बार याद दिलातो रेसी अर चोट देतो रेसी क थे कता बेकार अर बदसूरत हो, अर बो बार-बार ओई बिचारा थारै कनै भेजसी। थेई ओ काम कर्या हो, जणा बो खेसी, थे काँई सोचो हो, थे कुण हो? परमेश्वर थानै कदैई आसिस कोनी देसी, थे बेकार अर डोकरा हो। अर थे खिनै बी गुवाई कोनी दे सको, थे कोई बी काम चोखो कोनी कर सको।

ओई टेम ह जद थारै मायिला मिनख न निडरताऊँ उपर उठबा की जरूत ह, बोलिए हे बाप, म गलति करी ह, अर म थारऊँ अरदास करूँ हूँ क ईशू क लोईऊँ मनै धोर माफ कर द्यो। अर म सचमुच इमानदारी क सागै अय्याँ करबो चाऊँ हूँ। मनै थारी माफी चाये, शैतान चुपचाल्यो रे ईशू मेरै पाप ताँई दाम चुकायो ह, इमै तेरो कोई लेण देण कोनी जद थे अय्याँ बोलस्यो जणा राजी खुशीऊँ रेस्यो अर आगै बढस्यो। राजी रेवो।

पण ज थे आ सोचता रेस्यो क म बार-बार बाई गलति करतो रेऊँ हूँ अर म बी आई सोच्या करती ही जद ताँई म इ दोषी बताबाळी भावना न दूर कोनी करी ही। अर थे बी जि दिन इ दोषी बताबाळी भावना न दूर कर देस्यो बि दिन ऊँ बि पाप न करबो छोड़ देस्यो। पाप का दोष अर दोषी बताबाळी भावना थानै दबाती रेसी अर थे इऊँ निकळ'र आजाद कोनी हो सकगा इ ताई इ दोषी बताबाळी भावना न भगाबा ताँई हिम्मत चाये। थानै हिम्मत क सागै थारै विश्वास ताँई काम करणो होसी अर थानै खैणो चाये क थार म दोष कोनी। शैतान थानै खेसी थे पाप करबा क पाछै बी थे



बुरो कोनी मानस्यो के? अर थानै क्यूँ क घंटा तो बुरो मानबो चाये अर जो काम थे कर्या हो वो सचमुच म बुरो काम हो। पण थे शैतान न अय्याँ बोलो म दोषी होबाळी भावना न ग्रहण कोनी करै। अय्याँ खेबो शूरूवात म तो बोळो दोरो लागसी अर ओ दोरो बी ह, पण तीन च्यार बार करबा क पाछै इ भावनाँऊ लडबो सिख ज्यावला।

यशायाह 53 का 5, 6 अर 11 म मांडेडो ह (एम्पली फाइड बाइबिल संस्करण) क ईशू जद आपणा पाप न खुद क उपर लियो हो जणा बे बाका दोष (जिमै दोषी बताबाळी भावना बी आवै ह) ले लिन्यो हो। अर शैतान कोनी चावै क थे पाप का ज्ञानऊँ अर आत्मग्लानीऊँ आजाद होज्यावो। क्यूँ क ज थे आत्मग्लानी राखस्यो तो परमेश्वर का परेम न कोनी मानस्यो।

अर दोषी बताबाळी भावना आपां न परमेश्वरऊँ न्यारो करै ह। अर बा आपणै अर परमेश्वर की बिच म ढोळी की जय्याँ आर खडी होज्यावै ह। अर जद थे आत्मग्लानीऊँ भर्या रेस्यो तो परमेश्वर का मूँडा न कोनी देख सको, अर थानै जो दिखाई देसी वो थारो पाप अर बिको ज्ञान जो थारै सामै ह।

# 3



## परेम को मतबल रिस्तो राखबो होवै ह

जय्याँ को परेम परमेश्वर आपांऊँ राख्यो ह बिनै आपां  
जाणा हा अर आपां बिमै विश्वास बी करा हा क परमेश्वर  
ही परेम ह, अर जखो बी मिनख परेम करै ह बो बिमै बण्यो  
रेवै ह अर परमेश्वर बिमै बास करै ह।

-1 यहून्ना 4:16

थे कय्याँ परमेश्वर का परेम न ओर बी बोळो जाण अर पिछ्ठाण सको हो?  
बे चाये थार ऊँ कतो बी परेम करै पण जद ताँई थे बाका परेम न ना  
जाणल्यो थानै क्युँई फाईदो कोनी होसी। अर जय्याँ थे जाणो हो क कोई  
थारऊँ सचमुच बोळो परेम करै ह जणा थानै कय्याँ को एसास होवै ह। बि  
टेम थे अलग ई एसास करो हो अर बि टेम इ दुनिया न भूल ज्यावो हो क्युँ  
क कोई ह जो थारऊँ परेम करै। बिय्याँई परमेश्वर थारऊँ परेम करै ह अर

बे आपका परेम न प्रकट करबो चावै ह। अर बे चावै ह क थे रोजिना बाकै सागै सागै टेम बितावो।

थारै अर परमेशबर क बिच व्यक्तिगत रिस्तो ह के? हो सकै ह क बोळी पेल्या थे छुटकारा को एसास कर्या होगा पण इको मतबल हो कोनी ह क आज बी परमेशबर क सागै मोजऊँ हो। म जद बी सुवारै मेरी आँख्याँ खोलू हूँ जणा सऊँ पेल्या परमेशबर क बारा म सोचू हूँ। अर जद म सोबा ताँई जाऊँ हूँ जणा बी आखरी म जो बात सोचूँ बा परमेशबर क बारा म ई सोचू हूँ। अर दिनभर बी परमेशबर क बारा म ई सोचबा करूँ हूँ। म इऊँ ज्यादा क्यूँ बी कोनी चाऊँ। इ भर्यापुरा जगत म बस परमेशबर न राजि राखबो अर बाकी सेवा करबो अर वानै पाणो अर बा ताँई जो क्यूँ बी करूँ बो चोखो ह।

आपणै मायिनै एक खाली झघां ह जठै बस परमेशबर ई सही रूप बैठ सकै ह। बि खाली झघां न कोई दूसरी चिज या लालसा कोनी भर सकै। थे खुदऊँ आ खे सको हो क, म मसी न मान लिन्यो हूँ पण के थे वानै थारा जीवन का सगळा भागा म ग्रहण कर राख्या हो? के थे परमेशबर का परेम न ग्रहण कर माल्या हो?

परमेशबर थारऊँ परेम करै ह अर थे बा ताँई खास मिनख हो। बे आपां न बाकै सागै मेलमिलाप करबा ताँई रच्या ही। आपणा जीवन म बाकी आई सऊँ बडी लालसा अर इच्छा ह। परमेशबर रोजिना सुवारै आपका सिहासनँऊ तळै देखै ह अर खेवै ह सुवारै की नमस्कार, म थारऊँ परेम करूँ हूँ।

मेरी भाईली अरदास करबा की टेम एक दर्शाव देखी। बा देखबा लागी क परमेश्वर रोजिना सुवारै जद मिनख सोर उठै ह जणा बे अमेरिका का मिनखा क घरा म जावै ह अर बे बा मिनखाऊँ बतळाबा ताँई त्यार रेवै ह। अर बे बाकै कनै टेबल प बैठ ज्यावै ह। अर बे मिनख सोर उठबा क पाछै बठैऊँ चल्या जावै ह ओज्युँ आवै ह अर चल्या जावै ह अर बे जाता-जाता परमेश्वरऊँ खेर जावै हे परमेश्वर थे थोड़ी देर अठै बैठो म पाछो आऊँ हूँ अर जद मेरो काम करबो बन्द हो ज्यासी बिकै पाछै म थारऊँ बतळास्युँ, अर थारै सागै मिळमिलाप बी करस्युँ, बिकै पाछै दिन डळ ज्यावै ह अर मेरी भाईली को काळज्यो रो पडै ह क्युँ क कोई बि मिनख परमेश्वरऊँ वाता करबा कोनी आयो अर परमेश्वर ई उदास होर बठैऊँ चल्यो जावै ह।

इ ताँई थे बोळा ओसाण चुक मना होवो। क्युँ क ज थारै कनै परमेश्वरऊँ अरदास करबा को अर बाकै सागै रेबा को बी टेम कोनी ह जणाई थे बोळा ओसाण चुक हो। इ ताँई क्युँक टेम निकाळो अर परमेश्वरऊँ बोलो थे बाऊँ कतो परेम करो हो। अर बकी जैजेकार करबो बचै ह। अर बठै परमेश्वर रेवै ह। आई बाकी झघां ह। पण ज थारो अर परमेश्वर को कोई रिस्तो कोनी ह जणा थानै बि झघां म जाबा ताँई बोलो टेम लाग ज्यासी। इको ओ मतबल कोनी ह क थे ईश्वर नगरी कोनी ज्यास्यो। पण इको मतबल ह क थे जय को जीवन जिमै मोज होवै ह बो खो दिन्यो।

म थानै एक बरस परमेश्वर क सागै जीवन बिताबा को सुझाव देऊँ हूँ जिकै मायिनै थे परमेश्वर न थारऊँ परेम करबा को मोको द्यो। थे थारी शक्तिऊँ अर विश्वास ऊँ काम करबो बन्द करद्यो। अर थे टाब्वरा की

जय्याँ पिता परमेश्वर की गोदया म चल्या जाओ। अर परमेश्वर न थारऊँ परेम करबा द्यो। क्युँ क जद ताँई थे परमेश्वर न थारऊँ परेम कोनि करबा देस्यो थे बी बाऊँ परेम कोनी करस्यो।

1 यहून्न 4:16 अर जो परेम परमेश्वर म्हार ऊँ करै ह बिकै बारा म म्हें जाणगा हा ( समझ, पिछाण अर अंतरात्मा अर एसास ऊँ) अर म्हानै बापै विश्वास बि ह (बामै बण्या रेवा हा अर भरोसो राखा हा क)

आज सुवारै जागबा क पाछै थे क्युँक टेम परमेश्वर क बारा म सोच्या हो, क बे थार ऊँ कतो परेम करै ह? अर जद थे सुवारै सोबा क पाछै जागो हो जणा क्युँ बी करबो कोनी चावो। पण थानै थारी काया न काम म लेबा ताँई अर मायिला आत्मिक भिनख न जाग्रत करबा ताँई सारी बाता न खत्म करबा ताँई थारा मूंडा न काम म लेबो जरूरी ह।

इ ताँई थे जद बी सुवारै सोबा क पाछै जागो जणा खेयो, हे बाप म थारो धन्यवाद करूँ हूँ क थे मेरऊँ अतो परेम करो हो क थे ईशू न मेरै खातिर बलिदान होबा न भेज दिन्यो। हे बाप म थारो धन्यवाद करूँ हूँ क म पबितर आत्मा क सागै हूँ। म थारो धन्यवाद करूँ हूँ क थारी ओज्युँ जीन्दा होबा की शक्ति मेरै मायिनै वास करै ह। हे बाप म थानै धन्यवाद देऊँ हूँ क म आज जठै बी ज्यास्युँ आसिस की बजै बणस्युँ। हे परमेश्वर थे मेरऊँ परेम करो हो अर मेरा इ छोटा सा घरऊँ बी परेम करो हो, म थारी खास ओलाद हूँ। म थारी आँख की पुतळी हूँ अर थे मेरऊँ परेम करो हो।

थे खुदऊँ बात करो अर इ बात क बारा म जाणो अर ध्यान राखो क थे परमेश्वर का परेमऊँ घिर्या हो अर बिमै ई डूब्या हो। बाइबल खेवै ह क

परमेश्वर थारो चरो आपकी हथेळी म खोदमाल्यो ह (यशायाह 49:16) म बानै बठै देख सकूँ हूँ अर बे खेर्या ह क देखो अठै देखो? या सोवणी कोनी ह के? म इऊँ बोळो परेम करूँ हूँ। मेरी ओलादा न देखो, मेरी हथेळी म खोदेडा आका चरा न देखो। बे थारा चरा न आपकी हथेळी प खोद राख्यो जिऊँ बानै याद रेवै क बे थारऊँ परेम करै ह। अर थारै सागै मेलमिळाप राखबो चावै ह।

परमेश्वर न धन्यवाद देबो मना भुलज्यो अर बाकै सागै मेलमिळाप करके रिस्तो बणाया राखो। कदै कदै परमेश्वर क धोक खार अरदास करो अर परमेश्वर न धन्यवाद देबो क म्हारो छुटकारो होगो ह। अर इकै बदळा म परमेश्वरऊँ परेम करो। 1 यहून्ना 4:16,17 म बाचो “परमेश्वर परेम ह अर जखो बी परेम म बण्यो रेवै ह वो परमेश्वर म बण्यो रेवै ह अर परमेश्वर बिमै बण्यो रेवै ह। इऊँ (एकत्म अर मेलमिळाप म बाकै सागै) आपां म परेम सिद्ध होवै ह अर परिपक्व होयो जिऊँ आपां न्याय हाळै दिन हियाव बाँध सका।

परमेश्वर थारऊँ परेम करै ह, आ जाण'र थारो बापै विश्वास अर बाको विश्वास जोगो होबा क बारा भरोसो बढै ह। थे परमेश्वर न थारऊँ परेम करबा को मोको देस्यो जणा थानै सगळी आसिसा मिलसी, बडो विश्वास, पापऊँ छुटकारो, निरोगी काया, समृद्धता अर मोज मस्ती अ वाता जद मिलसी जद थे परमेश्वर न थारऊँ परेम करबा को मोको देस्यो। बोळा मिनख इ बात न बदळै ह अर सोचै ह क मनै परमेश्वरऊँ परेम

करणौ चाये। मेरो विश्वास ह क पेल्या थारऊँ परमेश्वर न परेम करबा द्यो। क्यूँ क म कोनी मानूँ क परमेश्वर का परेम क बिना थे बाऊँ परेम कर सको हो।

म थारऊँ बोल ई सकूँ हूँ क थे परमेश्वरऊँ मेलमिलाप राखो अर थानै परमेश्वर क सागै रिस्तो राखबा की बोळी जरूत ह। पण थे बाकै सागै ओ मेलमिलाप कय्याँ राखस्यो? अर जद परमेश्वर मेरऊँ खयो म तेरै सागै मेलमिलाप राखस्युँ जणा म बिछावणा पऊँ बैठगी अर म खेबा लगी इब म काँई करूँ, हे परमेश्वर आ सही बात ह पण मनै कोनी बेरो परमेश्वर क सागै मेलमिलाप कय्याँ राख्यो जावै ह, क्यूँ क बि टेम ताँई मनै कोनी बेरो हो क परमेश्वर मेरऊँ कतो मेर करै ह। थे मिनखा न थारी भावना क बारा म कय्याँ बता सको हो बाऊँ परेम करके अर बाकी बडाई करके। अर ज थे ओ कोनी जाणो क बे थारऊँ परेम करै ह क कोनी? अर थाने भे लागतो रेवै ह क बे थानै बावळो न समझलै, अर ज थानै ओ बेरो ह क बे थारऊँ परेम करसी अर थानै अपनासी जणा ओ थारै कति चौखी बात ह।

अर जखी जखी बाता म मेरै ताँई खे सकूँ हूँ अर कर सकूँ हूँ बे बाता म दूसरा ताँई कोनी खे सकूँ, क्यूँ क मनै बेरो ह क मेरो मोट्यार मेरऊँ परेम करै ह। अय्याँ परमेश्वर क सागै परेम करबा म होवै ह। इ ताँई आगै बढता रेवो अर परमेश्वर न मोको देबो चालू करो जिऊँ बे थानै मेलमिलाप करबो सिखावै। खुदऊँ आज ओ सुवाल बुझो म परमेश्वर क सागै चोखो जीवन को एसास करूँ हूँ के?

# 4



## परेम, भरोसो अर विश्वास

अर मसी ईशू म सूनत अर न बिना सूनत क्यूँ काम की ह,  
पण विश्वास क सागै परेम की बजै ऊँ प्रभाव होवै ह।

-गलातियो 5:6

आपां म बोळा जणा विश्वास करवा म टेम लगावै ह। अर आपां जाणा क विश्वास क बिना परमेश्वर न राजि करबो अनहोणो ह (इब्रानियो 11:6) इ ताँई आपां विश्वास करवा ताँई बोळी मेनहत अर कोशिश करता रेवा हा। पण बिश्वास को रिस्तो हियाऊँ ह अर इनै परमेश्वर क सागै मेलमिलाप राखबाऊँ पायो जा सकै ह। म थानै विश्वास करबो कोनी सिखा सकूँ, पण म थानै विश्वासऊँ सिद्धान्ध सिखा सकूँ हूँ अर थार म अय्याँ की भूख प्यास लगा सकूँ हूँ क जिनै पावा ताँई थे क्यूँ बी कर सको हो। अर ओ परमेश्वर क प्रकाशनऊँ मिलै ह।



विश्वास करबा ताँई अर परमेश्वर न राजी करबा ताँई मेहनत करबो बन्द करदयो अर परमेश्वर न ज्यादा स ज्यादा मोको अर टेम द्यो, परमेश्वरऊँ परेम करता होया दिनभर बाऊँ परेम करो अर परमेश्वर न बी थारऊँ परेम करबा को मोको द्यो।

क्युँ क आपां रूप न देख'र कोनी चाला पण विश्वासऊँ चाला हा। (अरे आपां आपणा जीवन न विश्वासऊँ आगै बढावा हा जिको अधार मिनखा को परमेश्वर ह) 2 करुन्थियो 5:7 एक बार म इ बचन न बाचरी ही, जणा परमेश्वर मेरा हिया म खास बाता करी, वि टेम म विश्वासऊँ चालबो सिख री ही। म मेरा जीवन म हर बात म विश्वासऊँ चलबो चावै ही, एम्पली फाईड बाईबल म 2 करुन्थियो 5:7 म मंडर्यो ह क आपां आपणा जीवन न विश्वासऊँ आगै बढावा हा जिको आधार परमेश्वर क सागै आपणो रिस्तो ह आ आपणी धारणा ह। अर दूसरा तरिकाऊँ खेऊ तो परमेश्वर क सागै जो मेरो रिस्तो ह बिकी धारणा अर विश्वास ह क म बिकै गेल ही विश्वासऊँ चालस्युँ। थे इ बात न समझो हो के? अर ज एक मिनख खुद ताँई आ समझै ह क बो धर्मी कोनी ह, बो विश्वासऊँ कोनी चाल सकै। अर ज कोई मिनखी आ सोचै क म तो माटी को किडो हूँ अर परमेश्वर मेरऊँ परेम कोनी करै, बो मिनख बी विश्वासऊँ कोनी चाल सकै। बोळा मिनख विश्वासऊँ चालबा की कोशिश करै ह पण बे आपका हिया म अय्याँ की बाता न कोनी आबा द्ये।

गलातियो 5:6 म मंडर्यो ह क विश्वास परेम क सागै दिखबा म आवै हा। परमेश्वर मेरा हिया म आ बात करी, "अर सगळा जणा सोचै ह क इ बचन को ओ मतबल ह क ज बे दूसराऊँ परेम कोनी करसी तो बाको विश्वास

काम कोनी करसी। पण आ बात सही कोनी ह। इको सही मतलब ओ ह क, बे ओ कोनी जाणै क परमेश्वर बाऊँ कतो परेम करै ह इ ताँई बाको विश्वास काम कोनी करै ह। विश्वास क बिना परेम काम कोनी करै, पण ओ मिनखा को परेम कोनी ह जो दिखावा म आवै पण ओ परमेश्वर को परेम ह, इ ताँई बानै परेम करबा द्यो जणा थारो विश्वास काम करसी।

परमेश्वर प भरोसो करके विश्वासऊँ बाकै सागै चालबो अर परमेश्वर को सारो लेर सगळी बातों ताँई बापै भरोसो करबो आ दोन्या म बोळो फर्क ह। थे अय्याँ कोई क बी सागै कोनी कर सको जद ताँई थे ओ न जाणल्यो क बो थारऊँ परेम करै ह क कोनी। अर थे परमेश्वर का परेम न कोनी जाणो तो अ सगळी बाता भूल बी सको हो, जखी थारै ताँई ह, अर थे कदै बी परमेश्वर प भरोसो कोनी कर सकोगा।

अर ज थे सचमुच म आ जाणो हो क परमेश्वर थारऊँ कतो परेम करै ह, जणा थानै चंगाई मिलबा ताँई ज्यादा तकलिब कोनी होसी। अर आर्थिक मददत पाबा म बी ज्यादा तकलिफ कोनी होसी।

थानै अ ना मिलबा की बजै आ ह क थे सचमुच ओ विश्वास कोनी करो क परमेश्वर थानै बो सक्यूँ देबाळो ह। इ ताँई थे अय्याँ करो, म विश्वास करबो तो चाऊँ हूँ पण कय्याँ करूँ?

थारै मायिनै परमेश्वर को परेम ह, पण थानै अतो करणो ह क जद बे थानै आपको परेम दिखावै जणा थे बिनै मान लिज्यो। बाईबल बतावै ह क आपां परमेश्वरऊँ परेम करा हा क्यूँ क बे पेल्या आपणा ऊँ परेम कर्या ही (1 यहून्ना 4:19) थारै ताँई परमेश्वर न परेम करबो बोळो दोरो ह जद ताँई थे आ न जाणल्यो क बे पेल्या थारऊँ परेम कर्या हि।

ओ सक्युँ थारै मायिनै ह, थारा हिया म परमेशबर थारऊँ परेम करै ह! थे चोखा मिनख हो, थे सोवणा मिनख हो! थे खास मिनख हो! परमेशबर थारऊँ परेम करै ह! इ दुनिया म कोई बी बाकै जय्याँ थारऊँ परेम कोनी करै।

थानै परमेशबर न छोड़'र ओर खीकी ई जरूत कोनि ह। थाने परमेशबर चाये। अर परमेशबर थारा जीवन म दूसरा मिनखा न लेर आसी। अर सच्चाई तो आ ह क थे अर परमेशबर ही होता तो सक्युँ चोखो होतो, अर थारो कोई भाईलो कोनी ह तो परमेशबर थारो सऊँ चोखो भाईलो ह अर ज थारै मा बाप कोनी ह तो बे थारा मा बाप ह।

परमेशबर थारऊँ कतो परेम करै ह इनै देखबा ताँई थे बापै सगळी बाता ताँई विश्वास कर सको हो। अर परमेशबर थारऊँ अतो परेम करै ह क बे चावै ह थानै बो सक्युँ मिलै। अर थे जद ताँई ओ न जाणल्यो क परमेशबर काँई चावै ह थे विश्वास क सागै काम कोनी कर सको जिऊँ थे बानै ले सको।

परमेशबर न परेम करबा ताँई मोको देबाऊँ विश्वास काम करै ह बे थारै जरिये दूसराऊँ परेम करबाऊँ थारै जोगा होबा ताँई काम कोनी करै, परमेशबर न थारऊँ परेम करबा द्ये, अर दिनभर परमेशबर न बताबा करो अर खेवो हे परमेशबर मनै बेरो ह क थे मेरऊँ परेम करो हो, हाल्लेलूय्याहा! हे परमेशबर म थारी जैजेकार करूँ हूँ म थारा नाम न मेमा दैऊँ हूँ।”

स्मिथ विग्गलवर्थ परमेशबर को एक म्हान खास टाळेडो चेलो हो। कोई बाऊँ बुझो थै अरदास म बोळो टेम बितावो हो, बे जुबाब दिन्या क, म

कदै कदै आदा घंटाऊँ बी ज्यादा अरदास करूँ हूँ, अर म आदा घंटा अरदास तो करूँ ई हूँ, बे एक दिन अय्याँ बी बोल्या क ज बे पन्दरा मिनट बी परमेश्वरऊँ अरदास कोनी करै तो बे परमेश्वरऊँ माफी माँगै ह।

आपां गलत तरिकाऊँ अरदास को फळ पाबा की कोशिश करता रेवा ह। थे थारा कामा की बजैऊँ अरदास को जुबाब अर फळ कोनी पा सको। परमेश्वर थानै आसिस देसी क्यूँ क बे थारऊँ परम करै ह बे थानै बो सक्यूँ बय्याँई देबो चावै ह जय्याँ बे थानै छुटकारो दिन्यो।

अर ज थे चाओ हो क थारा परबार को कोई मिनख या कोई दुसरो मिनख बचायो जावै, थे थारी ओरऊँ कोशिश मना करो, परमेश्वर न थारऊँ परम करबा को मोको द्यो। अर जद थे बि मिनख न देखस्यो जणा थे बि मिनखऊँ परम कर सकोगा, बाइबल बतावै ह क ज थे बाऊँ परम करस्यो जणा थे बानै बोलीऊँ अर कोई दूसरा तरिकाऊँ जितबा की कोशिश कोनी करस्यो, थे बानै ईशू क कनै ले आस्यो, परमेश्वर को आत्मा थारा परम की बजैऊँ थारा परबार का मिनखा न बचा लेसी। पण ज थे परमेश्वर न थारऊँ परम करबा कोनी दस्यो तो थे दूसरा मिनखाऊँ परम कोनी कर सकोगा।

इफिसियो 2:8 म मंडर्यो ह, क क्यूँ क विश्वास क बजैऊँ थे बचाया गया हो। थे ओ जाणो हो क थे छुटकारो पाबा ताँई क्यूँ बी कोनी कर्या हो? आपणा म बोळा मिनख छुटकारो पाबा की टेम बुरी दशा म हा अर ईशू मसी आपणो छुटकारो आपणा चोखा कामा न देख'र कोनी कर्यो। इकी

एक ई बजै ही, परमेश्वर आपणाऊँ अतो परेम कर्यो क बे आपको एकलोतो बेटो दे दिन्यो जिऊँ जखो बी बापै विश्वास करै बो नास न हो पण जुग जुग की जिन्दगी पावै। (यहून्ना 3:16)

दया क बारा म अय्याँ बी बताया जा सकै ह क ओ परमेश्वर की बजैऊँ आपणा जीवन की जो जरूरत ह बिनै पुरी करबा ताँई एक उपाय ह। अर जय्याँ परमेश्वर आपां न विश्वास दिन्यो ह क आपणो छुटकारो होगै ह, बिज्याँई बे परेम की बजैऊँ दया करै ह क आपां विश्वासऊँ ओ खे सका क बे आपां न चंगो करबाळा ह। अर बे आपां न विश्वास देवै ह क आपां ओ विश्वास कर सका क बे आपणा कर्ता ह।

अर बे जो विश्वास आपां न दिन्यो हो बो अतो बडो हो क बे आपणा सगळा पाप न धो सकै ह, जद ई ओ विश्वास आपणै मायिनै अतो तगडो काम कर सकै ह क ओ आपणी जीवन भर की जो बी जरूरत ह बिनै पुरी कर सकै ह। अर ज थे ओ विश्वास करो हो क परमेश्वर थारऊँ परेम करै ह अर थे इ परेम न पिछ्छाणबो चालू कर द्यो जणा थे बापै भरोसो करबो बी चालू कर देस्यो। अर थानै ओ विश्वास होज्यावलो क परमेश्वर को बचन सचो ह। अर थे ओ बि जाण सकोगा क बे थारऊँ परेम करै ह अर बे थारऊँ झूठ कोनी बोलै।

एम्पलीफाइड बाईबल संस्करण क खया गेल “विश्वास को मतबल परमेश्वर की शक्ति, ज्ञान अर भलाई प भरोसो राखता होया थारो सगळो जीवन बाकै हाथा सोफ देणो” (कुलु 1:4) जद थे थारऊँ परमेश्वर न परेम करबा देस्यो, जणा थे बाऊँ परेम करबो अर बापै भरोसो करबो सिख ज्यावला अर थे विश्वास बी करस्यो।

# 5



## भेऊँ छुटकारो

“परेम म भे कोनी लागै पण सिद्ध परेम (परो अर पक्को) भेऊँ (आतंक अर भे का नामो निशाण) न मिटा गरै ह! क्यूँ क भेऊँ पिडा (सजा को बिचार) होवै ह (इ ताँई) जखो बि मिनख भे खावै ह बो परेम म सिद्ध कोनी होयो ह (बो परेम न परिपक्वता ताँई कोनी लेज्या सक्यो ह)”

1 यहून्ना 4:18

आपां ज्यातर ओ मन'र राजी होवा हा क परमेश्वर आपणाऊँ परेम करै हर आपां बापै प भरोसो अर विश्वास करा हा पण जद च्याणचुक ई आपणा प बि टेम कोई तुमत आज्यावै।

परस्थती विश्वास को सऊँ ज्यदा हरण करै ह मतबल जो बुरी बाता आपणा सागै बितै ह जद ताँई परस्थती चोखी रेवै ह जणा थे ओ विश्वास

करो हो क परमेश्वर थारऊँ परेम करै ह अर थानै कोई तकलिफ बी कोनी होवै।

बि टेम शैतान थानै भेऊँ अर दोष की भावनाऊँ परमेश्वर का परेमऊँ जो थानै आजाद कर्यो ह बाऊँ न्यारो करवा की कोशिश करै ह। इब थे खेस्यो अय्याँ क्युँ होयो? बे खेवै ह, म सोचतो हो क परमेश्वर मेरऊँ परेम करै ह, जणा थार म अ बुरी बाता क्युँ बितरी ह? तू जरूर कोई बुरो काम कर्यो ह इ ताँई परमेश्वर थार ऊँ नराज ह।

अय्याँ खैबा ऊँ थारो विश्वास जातो रेवै ह अर परमेश्वर बी थारी मददत क्युँ करसी क्युँ क थारो विश्वास जातो रियो। अर थे नाहि विश्वास म मजबुत अर भरपुर हो, इ ताँई ज थे ओ कोनी जाणो क परमेश्वर थारऊँ परेम करै ह। जणा थे शैतान क कानीँऊँ आबाळा पाप का ज्ञान न अर भे न ग्रहण करल्यो हो। इ ताँई थे ओ बी कोनी जाण सको क परमेश्वर थारऊँ करतो परेम करै ह।

इ ताँई थे ज ओ जाणल्यो हो क परमेश्वर थारऊँ कतो परेम करै ह जणा थानै भे कोनी लागसी, अर थे परमेश्वर क कनै रेस्यो, बिकै पाछै थे बेकाम कोनी होस्यो, पण थे बि टेम बेकाम होस सको हो ज थे खुद को सारो लेवो हो। पण ज थे ओ जाणस्यो क परमेश्वर थारऊँ परेम करै ह जणा थे बेकाम होबाऊँ कोनी भेखास्यो, अर जाणलस्यो क परमेश्वर थारऊँ परेम करै ह जणा थे अपमानित होबाऊँ बी भे कोनी खास्यो।

परमेश्वर को परेम अतो तगडो क बो सगळी बाता न लूखा देवे ह। के थानै ओ लागै ह क बे परमेश्वर जखो थानै बचायो अर आजाद कर्यो ह दोषी

बतासी? पण शैतान थानै दोषी बतावै ह, अर परमेश्वर थानै थारा जीवन का पापऊँ निरूतर करै ह अर पापऊँ बचबा ताँई गेलो दिखावै ह। पण शैतान थानै खेसी क थे दोषी हो अर पापऊँ निकळबा ताँई गेलो कोनी ह।

एम्पलीफाइड बइबल संस्करण म बचन अय्याँ मंडर्यो ह-

“परेम म भे कोनी लागै पण सिद्ध परेम (परो अर पक्को) भे (आतंक अर भे को नामो निशाण) न मिटा गरेै ह! क्यूँ क भेऊँ पिडा (सजा को बिचार) होवै ह (इ ताँई) जखो बि मिनख भे खावै ह बो परेम म सिद्ध कोनी होवै ह (बो परेम न परिपक्वता ताँई कोनी लेज्या सक्यो ह)”  
1यहून्ना 4:18

बोळा मिनख सोचै ह क पबितर शास्त्र म मंडेडा इ बचना को ओ मतबल ह क ज बे परमेश्वरऊँ परेम करसी तो तो बे परमेश्वरऊँ भे कोनी खासी। अर ज बे कोइऊँ परेम करसी जणा बाका जीवनऊँ भे चल्यो ज्यासी। पण इ बचन को ओ मतबल कोनी ह।

इको मतबल ह क ज थे परमेश्वर न थारऊँ परेम करबा दस्यो, जणा थानै भे कोनी लागसी। अर ज थे थारा जीवन म भे कोनी चावो हो जणा थानै परमेश्वर न मोको देणो होसी। क बे थारऊँ परेम करै। अर विश्वास करके परमेश्वर का परेम न आज अर इबी मानल्यो, अर विश्वास क सागै आगै बढो अर खुद ताँई परमेश्वर का परेम न अपनाल्यो।

जि दिनऊँ परमेश्वर मनै भेऊँ छुटकारो देबा को प्रकानशन दिन्यो हो मनै इनै बार-बार मानता रेणो हो। एक बार म्हारी कार गड़बड़ करबा लगी, जणा म्हे सोच्या क ट्रांसमिटर खराब होगो दिखै, क्यूँ क म्हारी गाड़ी म बडो सारो ट्रांसमिटर लागर्यो हो अर ज बो पुरो खराब हो ज्यातो तो



कम स कम चार सो पाँच सो डोलर खर्च करणो पड़तो। अर म्हारै कनै अतो पिसो बी हो कोनी इ ताँई म्हे बिनै बय्याँई चलाता रिन्या।

एक दिन सुवारै परमेश्वर मेरऊँ बात करी, अर खयो जाँयस आज सारै दिनभर मेरऊँ परेम करबा म बिता अर म तेरऊँ परेम करस्युँ अर तनै इकै अलावा क्युँ बी कोनी करणो ह, तनै बोळो बडो विश्वास करबा की जरूत कोनी, पण तनै मेर ऊँ परेम करणो ह अर मनै मोको देणो ह क म थारऊँ परेम करूँ, मनै दिनभर थारऊँ परेम करबा द्यो।

इ ताँई म सारै दिन खुद न पबितर विश्वास क सागै राख'र भजन गाती रिन्यी अर परमेश्वर की जैजेकार कती हुई टेम बिताई। जणा च्याणचुक ई म मेरा मोट्यार न जठै म्हे कार खड़ी करा हा बी झघां म अय्याँ बोलता सूणी क म कार न पेल्या गेर म कोनी चला सकू इ ताँई मनै इब आ कार खड़ी करणी पड़सी, जद क बे पोणेएक घंटा पेली आपका काम प गया हा।

आ सूण'र म तावळी सी दरूजो बन्द करी अर हाँसबा लागी। म अय्याँ कोनी करबो चावै ही पण मनै अपणाआप ई हाँसी आवा लागी। अर आ हाँसी मेरी आत्माऊँ निकळरी ही। अर परमेश्वर मनै आ दिखाबा ताँई अय्याँ कयो हो क्युँ क म सारै दिन परमेश्वर न परेम करबा को मोको दिन्यो। अर इ ब हाँस सकै ही। अर परमेश्वर न परेम करबा को मतबल ह क, दरूजो खौलबो जिऊँ विश्वास थारै मायिनैऊँ बारै आ सकै। अर म हाँसबा लागरी ही अर ओ मेरो विश्वास हो।

जद परमेश्वर अब्राहम क कनै आपका दूत न आ खेबा ताँई क तेरै बेटो होसी भेज्यो होगो जणा अब्राहम बी विश्वास की हाँसी हाँस्यो होगो। अर हँस्तो होयो बोल्यो होगो, परमेश्वर थारी मेमा होवै, म विश्वास करूँ हूँ"

पण सारा अविश्वास अर सका क सागै हँसी जणा परमेश्वर बिका अविश्वास अर सका करबा की बजैऊँ बिनै टोक्यो। पण परमेश्वर अब्राहम न कोनी टोक्यो क्यूँ क बिकी हाँसी विश्वास की हाँसी ही।

शैतान थारै सामै होवै ह अर जय्याँ थे जाणो हो बो जो कोशिश करै ह बा बावळोपुणो ह, हाँसवाळी बात आ ह क थारो परमेश्वर बिनै सफल कोनी होबा देसी, जणा थानै भे कोनी लागै अर थे विश्वास क सागै हाँसो हो अर थे ओ जाणो हो क परमेश्वर थारऊँ परेम करै ह। अर वे थानै ढाप माल्या ही।

इ ताई म कार का टांसमीटर की बजैऊँ हाँसरी ही जणा परमेश्वर मेरा हिया म शांत अर होळी सी उवाज म खयो आ उवाज शक्तिशाली हि, बे मनै तीन बार खया, ज तू मेरै सागै अय्याँई काम करसी तो म तनै कदैई बेआस कोनी होबा देस्युँ। मनै एक बार तो अय्याँ लाग्यो क आ उवाज वायुमण्डलऊँ आरी ह “म तनै कदैई निराश कोनी करस्युँ, म तनै कदैई निरास कोनी करस्युँ।

ज थे परमेश्वर क सारै चालस्यो अर थे बानै थारऊँ परेम करबा देस्यो अर बाऊँ परेम करस्यो, थे बा सगळी कोशिश न भूल ज्यास्यो जिकै चलते थे विश्वास न काम करबा ताँई काम म लेय्यो हो। थे बस परमेश्वर न थारऊँ परेम करबा द्यो अर बाऊँ परेम करता रेवो, अर बेई थारी हिया की ईच्छा न पुरी करसी। परमेश्वरको परेम थारै हिया क मायिनै आसी अर थारा सगळा भे न दूर कर देसी।

# 6



## परम को दायरो बढतो जावै ह।

“अर परेशबरऊँ आपां न ओ हुक्म (काम अर भार हुक्म, धर्माज्ञा) मिल्या ह क जखो बी परमेशबरऊँ परेम करै ह बो आपका भाईडाऊँ (विश्वासी) बी परेम करै ह।”

1 यूहन्ना 4:21

थे परमेशबर की खास ओलाद हो। बे व्यवस्थाविवरण 7:6 म खेवै ह। ज थे बाकै खया गेल काम करबा लागस्यो जणा बो इ सगळी दुनिया न बदळ देसी। अर ज थे हाँस्ता होया बजार म जावो अर सामनै रखेड़ौ चोल्या क हाथ लगार खेस्यो क म जिकै बी हाथ आइस्युँ बो आसिस हो ज्यासी, हाल्लेलुय्या! आज मेरै इ स्टोर म आबाऊँ बे धन्य होगा, परमेशबर की जे हो! अर इ स्टोर म घुमता अर गीत गाती टेम अर जठै बी थे जाओ, थे खुद न खास मिनख समझो।

क्यूँ क जद आपां ओ जाण ज्यावा हा क आपां कता खास मिनख हा, जणा बिकै गेल ई काम करा हा अर जय्याँ परमेश्वर आपांऊँ परेम करै ह, जणा आपां इ दुनिया न ईशू ताँई जित सका हा। परेम को दायरो बढतो ज्यासी, अर ओ जंगल की आग की जय्याँ बढतो ई रेसी। अर ज थे कठै जाओ अर खैओ क म मसी हूँ अर दूसरा मिनखा प झाळ्या काढो जणा थानै क्यूँई फाईदो कोनी मिलसी। अर थे खेता रेस्यो म मसी हूँ म मसी हूँ पण जद कोई कार थारै सामै आर खड़ी होवै ह जणा थे कुकबा लागो हो, अर खेवो हो बारनै आ मेरा गेलाऊँ हटज्या। के तु कोनी जाणै मनै कलिसिया मण्डली म जाणो ह? हे बावळा, मिनख मनै दे होरी ह।

आपां कइ बार अय्याँ को बरताव करा हा। के थे जय लेबा ताँई त्यार हो? थे आत्मा म थारा दायरा न बढावो अर जय पावो चाओ हो। जणा थे शैतानऊँ बोल्यो क तू म्हानै बोळो झूठ बोल'र अर भे दिखा'र भटका दिन्यो ह, पण इब म ईशू क नामऊँ जय पास्युँ क्यूँ क परमेश्वर मेरऊँ परेम करै ह। इकै बारा म तू क्यूँ बी कोनी कर सकै!

थानै परमेश्वर को परेम भेऊँ छुटकारो देसी अर थे दूसरा मिनखा न बी इ परेम का बारा म बतास्यो अय्याँ करके थे परेम को दायरो बढास्यो अर थानै भे बी कोनी लागसी। अर जद परमेश्वर थारऊँ खैवै ह क बे थारै जरिये बडा बडा काम करसी क्यूँ क ईशू आपका बापू कनै चलेगो ह, जणा परमेश्वर चावै ह क थे बापै विश्वास करो। थे सचमुच प बापै विश्वास करो हो के? बे थानै काम म लेसी? अर परमेश्वर थानै बो सक्युँ देसी जिकै ताँई थे बापै विश्वास करो हो। अर थानै विश्वास म आगै बढबा ताँई बी भे कोनी लागसी।

म थानै बता कोनी सकूँ क म कती बार विश्वास न लेर ढाड क किनारै प खड़ी हो चुकी हूँ, म अय्याँ की दशा म खड़ी होगी जठै क्यूँ बी करबाऊँ म भे लागै ह। पण परमेश्वर खेवै ह। जाँयस आगै बढ, म तेरै जरिये बडा-बडा काम करस्युँ, बस तू आगै बढती जा अर म विश्वास म आगै बढबा लागी। मनै परमेश्वर एक बार बी सरमिन्दा कोनी होबा दिन्यो।

थे जाणो क म आगै कदम बढाबा ताँई चिन्ता क्यूँ कोनी करूँ अर बेकाम होबाऊँ क्यूँ कोनी डरूँ? क्यूँ क मनै बरो ह परमेश्वर मेरऊँ परेम करै ह, वानै बी बेरो ह क म बी बाऊँ परेम करूँ हूँ। अर बाकी दयाऊँ म मेरो जीवन बाकै हाथ म दे राख्यो ह। अर ज थे बी अय्याँ करमाल्या हो तो थे बी परमेश्वरऊँ परेम करो हो, अर बे बी थारऊँ परेम करै ह। अर इ सरष्टी म अय्याँ की कोई बी ई चिज कोनी होसी जो थानै जयवन्त होबाऊँ रोक सकै।

“कुण थानै मसी का परेम ऊँ न्यरो करसी?” के कळेस या संकट, बदमासी, अकाळ अर नंगार्ई, जौखिम, तलबार? जय्याँ माडेडो ह क म्हे थारै ताँई दिनभर पिडा भोगा हा, अर म्हानै बा ललडयाँ की जय्याँ समझ्यो जावै ह जो मारबा ताँई न्यारी करी जावै ह। पण अ सगळी बाता म बाकै जरिये जो म्हारऊँ परेम कर्यो ह बो जयवन्त ऊँ बी बढर ह। क्यूँ क मनै पक्को बेरो ह क ना तो मोत ना जीवन अर ना ईश्वरी नगरी दूत अर न ओ टेम ना आबाळो टेम, ना शक्ति ना ऊँचाई, ना गहराई अर ना आ सरष्टी आपां न परमेश्वर का परेमऊँ जखो ईशू म ह न्यारो कर सकै ह। रोमियो 8:35-39

थारी समझ म आ बात कदै बी कोनी आ सकै क परमेश्वर कतो चावै ह क थे आजाद हाज्यावो। जद थे दुःखी होवो हो जणा परमेश्वर बी दुखी

होवै ह, अर कई बार थे सुवारै जागो हो अर बिकै पाछै थारो दिभर माथौ खराब रेवै ह जणा थे कदै तो बिल्लई क लात मरो हो, टाब्वरा प हाईगोडो करो हो, पड़ोसियाऊँ चिड़ो हो अर थारा मूँडो उदास दिखै ह। “थे खेवो ओ म सारा दिन काम करूँ हूँ पण कोई बी मेरी बडाई कोनि करै।”

मनै बेरो ह क थे कय्याँ को बरताव करो हो क्युँ क म बी अय्याँ करती ही। अर जद टाबर स्कूलऊँ घरा आवै ह जणा थे सोचो हो अ सात घंटा क बदलै चौदा घंटा स्कूल मरेता तो कतो चोखो हो?

थानै बेरो ह के थारै अय्याँ करबाऊँ परमेश्वर दुःखी होवै ह? अर म आ बात इ ताँई कोनी बतारी हूँ क थानै बुरो लागै। पण म थानै ओ एसास दिलाणो चाऊँ हूँ क ज थे ओ विश्वास करलेस्यो क परमेश्वर थारऊँ परेम करै ह बिकै पाछै थे बी बाऊँ परेम करबा लागस्यो। अर बाको परेम थानै परेम करबाळो बणा देसी। जिऊँ थे बी दूसराऊँ परेम करबा लागस्यो अर परेम को दायरो बढबा लागसी। अर थे आजाद हो'र एक परेम करबाळा मिनख बणज्यास्यो। अर दया को फळ थार म फळसी।

अर ज थे इ बात की गाठ बाँधल्यो क परमेश्वर थारऊँ प्यार करै ह, जणा थे निरोगा होज्यावला, थे समरध होज्यास्यो अर थारी सगळी जरूरत पुरी होज्यावली। क्युँ क थे ईशू म मसी म अराम करबो चालो कर देस्यो।

परमेश्वर जो क्युँ बी आपां न देबो चावै ह बिनै आपां खिनै देबो कोनी चाबा, इकी बजै ह क आपां बा चिजा न देवा ताँई अता ओसाणचुक होज्यावा हा क परमेश्वर आपां न अपणाई कोनी सकै। पण परमेश्वर चावै ह क आपां बाकै सागै अराम करा अर बाऊँ परेम करा। अर बे चावै क थे

परमेश्वर न थारऊँ परेम करबा द्यो। अर बे जो क्युँ बी चिजाआपां न देबो चावै ह बानै लेलेवा।

थानै परेम करबाऊँ शैतान रोक कोनी सकै, क्युँ क ज थे परेम करस्यो जणा देबो बी जाणवा लागस्यो। क्युँ क थे बिना दिया परमे कोनी कर सको।

व्यवस्थाविवरण 7:6 म जो बचन मांडेडो ह बिकै आखरी म अय्युँ मांडेडो ह (एम्पलीफाइड बाइबल) “परमेश्वर थानै खुद की खास प्रजा अर निजधन होबा ताँई टाळ्यो।” परमेश्वर थानै बुलायो ह। आज थे चाये घर अर परिवार की देखभाळ करता हो, पण परमेश्वर थानै बुलायो ह। अर ज थे सचमुच म परमेश्वर ताँई काम करबो चावो हो जणा बे थानै काम लेसी। इ ताँई थानै सऊँ पेल्या आ नींव धरणी होसी, थानै ओ बेरो होणो चाये क परमेश्वर थारऊँ प्यार करै ह।

थे खुद प भरोसो अर आत्मिक शक्ति मना लगाओ, अर नाहि थे थारी जरूरत न पुरी करबा म लागो। पण थे परमेश्वरऊँ थारा शब्दा म खेयो क परमेश्वर थे काँई चावो हो अर थे थारा विश्वास न दूसरा मिनखा की जरूरता न पुरी करबा ताँई काम म ल्यो। क्युँ क ईशू बी अरदास करता हा अर परमेश्वरऊँ शक्ति माँगता हा अर बिकै पाछै बे बा मिनखा की मददत करबा म लाग ज्याता हा जखा विश्वास क सागै बाकै कनै आता हा।

ईशू बा मिनखा न परमेश्वर को बचन सूणाता, अर बापै हाथ धरता जिऊँ बा मिनखा म चमत्कार होता। ईशू एकला एक कुणा म बैठ'र ओ विश्वास कोनी करता क परमेश्वर बानै बो सक्युँ देसी जो बानै चाये।

जणा थानै बी परमेश्वरऊ आ खेबा की जरूत ह क हे परमेश्वर थे काँई चावो हो। पण ओ सचमुच म होणो चाये, अर थारा जीवन की लालसा दूसरा मिनखा की जरूरत न पुरी करवाळी होणी चाये।

सची समृद्धता को सही रूम म परिभाषित करो जिऊँ परमेश्वर क काबिल होबा क (शक्ति) सामै आवाळी जरूरत न पुरी करबा ताँई ह। अर पेश्वर को परम थानै अय्याँ करबा की हिम्मत देसी क थे दूसरा मिनखा की जरूरता न पेल्यो स्थान देयो। थे ओ सोचो हो के परमेश्वर थारऊँ अतो परम करै ह क बे थानै बो इ जोगो बणासी क थे बा मिनखाऊँ जिनै थे परम कोनी करो बाऊँ परम करबो सिखासी, अर बा मिनखाऊँ जो कुडकुडवै ह अर कदै ई थारी बडाई कोनी करै बाऊँ बी परम करबो सिखासी।

जो थारऊँ परम करै ह बाऊँ परम करबाऊँ थारो क्यूँ कोनी जावै। अय्याँ करबाऊँ थानै जोर बी कोनी आवै। अर ओ काम तो पापी मिनख बी कर सकै ह। पण ज थे अय्याँ का मिनखऊँ जिनै थे कोनी चावो बिऊँ परम करो हो अर बिऊँ परम करता ईरेवो हो जणा परमेश्वर को परमेश्वर बिनै बदळ देसी।

अय्याँ करबा म शायद एक बरस लागै चाये पाँच चाये या पचिस। पण ओ टेम लगणो चोखो ह। ईशू बी तो थारै ताँई कतो उडिक्यो होगो।

परमेश्वर थारऊँ परम करै ह अर बे बाऊँ बी परम करै ह जो थारै साकडै रेवै ह चाये वे छुटकारो पा लिन्या हो चाये बे इब ताँई पापी ई क्यूँ न हो। बे बाऊँ परम करै ह, बा मिनखा ताँई परमेश्वर थानै काम म लेबो चावै ह जिऊँ बापै बे आपका परम न जायिर कर सकै।



इ ताँई थे आगा बढबाऊँ मना भे खावो। परमेश्वर को परेम थानै भेऊँ अर पाप का बिचार ऊँ छुटकारो देसी। बे थानै इ जोगो बणायो क थे परेम कर सको हो। इ ताँई परमेश्वर का परेम न थारै आसपास फैलाबा ताँई थे मजबुत हिरादो करल्यो। मिनखाऊँ मिलजोळ अर परेमभाव बढावो। अर मिनखाऊँ भाईलाचारी करबो थारो पेशो बणाल्यो। थे मसी की काया म मिनखा ताँई आसिस की बजै बणो।

मिनखा न रात म खाणा खाबा ताँई बुलावो अर बाऊँ मेळजोळ करो अर वानै बी करबा द्यो । मिनखा क गळै मिलो, बाकै सागै हाँस्यो। परमेश्वर थानै जो काम दिन्यो ह बिकै गेल ई थानै बे काम म लेसी। बिकै अलावा बे इ धरती का कोई बी मिनख न काम थारै बढळी काम म कोनी लेसी।

अर अय्याँ का मिनख बी ह जिकै कनै बस थेई जा सको हो कोई दूसरो मिनख कोनी जा सकै, पण थानै परमेश्वर ऊँ बुझणो ह क थे बाकै परेम क सागै कय्याँ दूसरा मिनखा क कनै जा सको हो अर परमेश्वर थानै सिखासी।

# 7



## परमेश्वर को परेम थानै बदळ देसी

“परेम इऊँ कोनी ह क आपां परमेश्वरऊँ परेम कर्या हा;  
पण इऊँ ह क परमेश्वर पेल्या आपणाऊँ परेम कर्यो, अर  
आपणा पाप धोवा ताँई आपका बेटा न भेज्यो।”

1 यूहन्ना 4:10

परमेश्वर आपांऊँ परेम करै ह पण म सोचूँ हूँ क आपणा मऊँ बोळा मिनख  
बाका परेम न चोखी ढंगऊँ कोनी समझै। क्युँ क परमेश्वर मनै इ पाठ क  
जरिये दिखायो क ज आपां सचमुच म आपणी आत्मा म ओ जाणल्या क  
परमेश्वर आपांऊँ कतो परेम करै, जणा आपां आत्मा म बोळा बढस्योँ अर  
जय्योँ आज आपां हा बय्योँ कोनी रेस्या पण ओर बी बोळा बदळ ज्यास्योँ  
अर न्याराई दिखवा लागस्योँ।

थे परमेश्वर का परेम प ध्यान करो, अय्याँ करबाऊँ ई थारो जीवन बदळ ज्यावलो। अर ज थे कोई बात पसन्द कोनी करो अर ज थे परमेश्वर का परेम न जाण ज्यस्यो तो बे थानै बदळ देसी।

थानै ओ जाण'र क कोई थारऊँ परेम करै ह कय्याँ लागै? थानै चोखो लागै ह न, थानै बुरो तो कोनी लागै। परमेश्वर मनै बतायो हो क क्युँ क मिनख जो इ किताब न बाचसी बे खुद न पसन्द कोनी करै। थे जो काम करो हो बिऊँ थे नफरत करो हो। अर थे इ बात न बी कोनी मानबो चावो क थे एक नयी सृष्टी हो अर थे थारा पेलड़ा सुभावऊँ लड़ो हो।

थे जद ताँई खुद न बुरो मानस्योम थे खुद न पसन्द कोनी करस्यो। अर खुदऊँ नफरत करता रेस्यो। अर थे ओ बी एसास कोनी करेस्यो क थे कता खास मिनख हो, अर नाहि थे चोखौ बरताव करस्यो। बाइबल म मंडर्यो ह, “क्युँ क जय्याँ बे आपका हिया म बिचार करै ह ? बय्याँई को बो खुद ह” (नितिबचन 23:7) ओ इ ताँई होवै ह क्युँ क थे इब ताँई इ बात न मान्या ई कोनी हो क परमेश्वर थारऊँ परेम करै ह। क्युँ क परमेश्वर थारऊँ कतो परेम करै ह इ बात न जाणबो ई थानै शक्ति देवै ह।

परमेश्वर चावै ह क थे रोजिना बाकै सागै रिस्तो बणाया राखो। अय्याँ करबाऊँ थे बदळ ज्यास्यो। अर ज थे परमेश्वर न पेल्यो स्थान कोनी देस्यो जना थे वानै बठै राखो हो जठै बे थारै ताँई क्युँ बी कोनी कर सकी ही। थानै परमेश्वर क सागै एकलामै टेम बिताणौ होसी अर थानै बाऊँ परेम करणो होसी अर वानै बी थारऊँ परेम करबा को मोको देणो होसी जिऊँ थारी आत्मिक बढोतरी होसी। अर थारी आत्मा मजबुत होसी।

बोळा मिनख आळसी होवै ह, अर बे अय्याँ कोनी करबो चावै ह, बे आ चावै ह इ काम न बा ताँई कोई दूसरो मिनख करै। इ ताँई भानो मना बणावो, अर इ किताब म बाचबाळो हर बो मिनख अर जो परमेश्वर क सागै रिस्तो कोनी राखै बो मिनख इ किताब म जो क्युँ बी म मांडी हूँ बिकै ताँई निरूतर ह, पण शैतान जरूर थारै कनै आ'र खेसी क थारै कनै ओर बी तो बोळा काम ह।

मनै बेरो ह क अय्याँ होवै ह, शैतान एक क बाद एक भानो लेर आवै ह। इ ताँई परमेश्वर न हेल्लो द्यो। क्युँ क परमेश्वर क सागै मेलमिलाप राखबाऊँ अर बाको बचन थानै बदल देसी। परमेश्वर थानै एक काबिल मिनळ बणायो ह। (फिलिप्पियो 4:13) म पौलुस मांड्यो ह क “मसी म मनै जो शक्ति मिलै ह बा ताँई म सक्युँ कर सकूँ हूँ” दूसरा शब्दा म खेवो तो इ सरष्टी म आय्याँ क्युँ बी कोनी ह जिनै थे ईशू मसी क शक्ति ऊँ कोनी कर सको।

परमेश्वर थानै आबाळी तुमत क बारा म बतावै थे बाकी शक्तिऊँ बिनै नास कर द्यो। अर ज थे खड़्या होर परमेश्वर का परेम न मानस्यो अर बि बेकार अर बुरा शैतान न जो थानै खेवै ह क थे कता बुरा अर बेकरा हो बिकी बाता न सूणबाऊँ मना कर देस्यो जणा थे जयवन्त हो'र काम करबो चालू कर देस्यो।

हो सकै ह इबी थे चोखो काम कोनी कर सको हो, पण जद थे ओ विश्वास करस्यो क इब थे आत्मिक रूपऊँ नयी सरष्टी हो जणा थे नया तरिकाऊँ काम करबो चालू कर देस्यो। अर जद ताँई थे अय्याँ कोनी खेसो

क परमेशबर की जे हो म एक खास मिनख हूँ म पबितर हूँ, परमेशबर मनै टाळ्यो ह अर उनिया का लोईऊँ मनै धोर शुद्ध कर दिन्यो ह, इबऊँ म अय्याँई काम करस्युँ, शैतान मनै तेरी परवा कोनी, मेरऊँ चाये कति बी गलत्या क्युँ न हो म आगै ई बढतो ज्यास्युँ जद ताँई थे अय्याँ कोनी खेस्यो थे थोडा बोत बी कोनी बदळ सको अर नाहि चोखी ढंगऊँ काम कर सकोगा, परमेशबर आपां न समभाळबा ताँई अर आगै बढाबा ताँई त्यार ह। बे मेरी सगळी गड़बड़ी अर उलझन न दूर करसी।

जद की थे जाणो क परमेशबर थारऊँ परेम करै ह जणै थानै कुणसी बाता अर तुमत रोक सकै ह। थानै कोई बी कोनी रोक सकै थे सगळी बाता म जवन्त होस्यो।

के थे जितबाळा बणबो चावो हो? जुबाब द्यो, अर थानै जित हासिल करबा ताँई क्युँ जुगाड़ चाये के? ओई जुगाड़ ह जिकै बजैऊँ थे आगै बढ सको हो। अर ज थारै कने कौई तुमत या अय्याँ कोई बात जिऊँ थानै जितबा ताँई लड़णो पड़ै ह जणाई थारो विश्वास विच्यास्यो ज्यासी?

थारै कनै आबाळी तुमतऊँ आगै बढबा ताँई एक मोको ह बिनै कामल्यो। अर बेरो पाडो क परमेशबर काँई करबो चावै ह क्युँ कबे थारऊँ परेम करै ह! अर ज थे परमेशबर क भरोसै रेस्यो अर वानै थारैऊँ परेम करबा को मोको देस्यो अर थे बी बाँऊ परेम करस्यो जणा थे थारी ओर ऊँ जो कोशिश करो हो बिनै करबो बन्द कर देस्यो अर विश्वास न काम म लेस्यो। जनाई थे परमेशबर की अराम हाळी झघां जा सकोगा।

अर जद थे परमेश्वर न परेम करबा को मोको देस्यो अर बाऊँ परेम करस्यो, जणा थे सगळी झघां मोजऊँ रेस्यो। थे विर्याँ चालस्यो जय्याँ थे कोई आत्मा की दाखमधु पि लिन्यी हो। अर थारै जीवन म कोई बी बात थानै तंग कोनी करसी क्युँ क थे परमेश्वर का परेम न लेर चाल्यो हो।

जद मनै पबितर आत्मा को बतिष्मो मिनल्यो हो जणा म तीन हप्ता ताँई परमेश्वर का परेम म लिन होगी। अर लोग मेर ऊँ खेबा लाग्याँ, थारै काँई होगो, म्हानै तू बदळी बदळी दिखै ह म्हानै विश्वास कोनी होर्यो जाँयस थारै काँई होगो ओई मिनख तीन हप्ता क पाछै आर बुझै ह क थारै जीवन म काँई होयो?

म बदळगी हूँ इकै बारा म बानै म एक शब्द बी कोनी बोली। क्युँ क बे मेरा जीवन न देख सका हा क मेरो जीवन कय्याँ को ह। इ ताँई ज थे परमेश्वर क परेम गेल काम करस्यो जणा थे हर टेम मुस्कराता रेस्यो। थे सोवणा दिखाई देस्यो, थारै मायिनै शक्ति अर ताकत रेसी। अर थे दूसरा मिनखा की सेवा करबा ताँई तयार रेस्यो अर थे पबितर आत्मा म अता भर्यापरा रेस्यो क थारी जो बी जरूरत ह वा पुरी होज्यावली।

थे खुदऊँ खैवो, “परमेश्वर मेरऊँ परेम करै ह” हाल्लेलूय्या, परमेश्वर मेरऊँ परेम करै ह, म बाकी खास ओलाद ऊँ हूँ! इब आगै बढो अर विश्वास करके आगै बढता रेवो।

## नयो जीवन को एसास करो



अर ज थे ईशू न थारो छुटकारो करबाळो अर प्रबु खेर कोनी मान्या हो, इ ताँई म थारऊँ खैऊँ हूँ क थे अय्याँ करो, थे आ अरदास कर सको हो अर ज थे इ विष्य क बारा म चोकुना हो तो थे मसी म एक नयो जीवन को एसास करस्यो।

हे पिता परमेश्वर म थारा बेटा ईशू मसी प विश्वास करूँ हूँ, बेइ इ दुनिया को छुटकारो करबाळा ह। बे मेरै ताँई सूळी प मार्या गया अर बे मेरा पाप आपकै उपर लेलिन्या। बे नरग म उतर्या बे मोत अर कब्र प जित हासिल करी अर म विश्वास करूँ हूँ क ईशू मरेडा मऊँ जिन्दो होगो अर इब बे थारै दायिनै कानी बिराजै ह, हे ईशू मनै थारी जरूत ह।

मेरा पाप धो छे, मेरो छुटकारो करा। मेरै मायिनै थे वास करो। म नयो जीवन जिबो चाऊँ हूँ।

इब थे विश्वास करो क ईशु थारा हिया क मायिनै वास करबा लाग्य ही। अर थारा पाप धुपगा ही थानै धर्मी ठहरायो गयो ह। इ ताँई थे सुरग म ज्यास्यो।

इ अरदास न करबा क पाछै थे कोई मंडली या कलिसिया न खोजो जठै परमेश्वर को बचन सिखायो जावै ह बठै जार थे आत्मा म बढो। क्युँ क परमेश्वर का बचन क ज्ञान क बिना थारै जीवन म क्युँ बी कोनी बदळसी। यहून्ना 8:31,32 म मंडर्यो ह, “ज थे मेरा बचना प चालस्यो जणा थे मेरा चेला बणस्यो। थे सच्चाई न जाणस्यो अर सच्चाई थानै आजाद करसी।”

म थानै हिमत बँधाऊँ हूँ क थे परमेश्वर का बचन प चालो, अर इनै थे थारा हिया म बसाल्यो (2 कुर 3:18) क गेल जद थे परमेश्वर का बचन म देखस्यो, जणा थे ईशू मसी क तेजस्वी रूप म अंश-अंश करके बदळता ज्यास्यो।

सप्रेम

जाँयस



## लेखिका क बारा म

जाँयस मेयर इ दुनिया म जता बी खास बाइबल सिखावाळा ह बाँऊ एक ह। न्यू यॉर्क टाइम्स की नम्बर एक गोरव मिलवाळी लेखिका ह, बे नब्बऊँ बी ज्यादा किताब मांडी ह जामैलिविन्ग बियन्ड योर फिलिंग्स, पावर थॉट्स, बैट्रुलफील्ड स्रष्ट्वंला की सगळी किताब अर दो उपन्यास, दि पेन्नी एंड एनि मिनट, जय्याँ ओर बी दूसरी किताबा आमै सामिल ह। बे सिख देवा ताँई हजारो सूणवाळी सी. डी. क सागै देखवाळी सी. डी. बी बणाई ह। इ दुनिया म जाँयस क सागै रोजिना जीवन को मजो ल्यो नाम को रेडियो अर टेलिविजन प कार्यक्रम आवै ह, बे सभा चलाबा ताँई देशा म जावै ह। जाँयस अर बाको आदमी चार टाब्वरा का मा बाप ह अर बे सेन्ट लुईस, मिसौरी म रेवै ह



## परमेश्वर को तोफो थारै ताँई इकै बारा म थे जाणो, परेम बिना कोई शर्त क

आज थारै ताँई परमेश्वर की शक्ति अर परेम को हिंस्यो त्यार ह! अर थे इ भीड़ म एकला मिनख कोनी हो। परमेश्वर थारऊँ परेम करै ह अर ज थे इ धरती प एकला ही ईसान हो। पण दिकत आ ह क बोळा मिनख की जय्याँ थे वी कोनी समझो अर हो सकै ह क थे इनै बुद्धि ऊँ समझता बी होगा पण हिया म एसास कोनी करो। पण इव थे विनै एसास कर सको हो, इ सिख देवाळी किताब का संदेशाऊँ थे पास्यो,

- अन्तरात्मा परमेश्वर का परेम न कय्याँ पिछाणा।
- म परमेश्वर क जोगो हूँ क कोनी, ओ सोचबो कय्याँ बन्द करा।
- परमेश्वर का परेम क बारा म ताजुब करवाळो प्रकाशन कय्याँ एसास कर सकाहा।
- जिवन की पिड़ा म परमेश्वर न कय्याँ हासिल करा।
- परमेश्वर को परेम थानै सदा ताँई कय्याँ बदळ सकै ह।

जॉयस मेयर की अंतर्दृष्टि अर प्रकाशन जो बाका जिवन न बदळ दिन्यो, पबितर शाख्र का बचना न बुद्धि का बचना क सागै बाचो, अबचन परमेश्वर का परेम न जाणवा ताँई थारे ताँई दरोजो खोल सकै ह—परमेश्वर को च्यानणो थारै उपर होतो रेवै।



JOYCE MEYER  
MINISTRIES®

Nanakramguda, Hyderabad - 500 008